

# Manuel González González



É catedrático de Filoloxía Románica na Facultade de Filoloxía da USC; membro do ILG; académico numerario da RAG e coordinador científico do Centro Ramón Piñeiro para a investigación en humanidades. É director da revista Cadernos de Lingua, publicada pola RAG e membro dos consellos de redacción de múltiples e prestixiosas publicacións nacionais e internacionais (Atlas Linguistique Roman, Journal of Portuguese Linguistics, Estudos de Lingüística Galega, Euskera Lingue, etc.). A súa investigación diríxese a campos diversos, como a xeografía lingüística e a dialectoloxía (é coautor do Atlas Lingüístico Galego); a lexicografía (dirixiu o Diccionario da RAG e o actual Dicionario da RAG en liña); a sociolingüística e historia da lingua (participou na elaboración das Bases prá unificación das Normas Lingüísticas do Galego e das Normas ortográficas e morfolóxicas do idioma galego); a fonética (é promotor dos estudos de fonética acústica en Galicia e de tecnoloxías da fala, dirixindo os traballos de elaboración de Cotovía, o primeiro conversor texto-voz en galego); fixo incursións no campo da didáctica, e elaborou libros de texto de lingua e literatura galegas e lingua e literatura españolas para bacharelato e para EXB.

## ORGANIZA:

I.E.S. Xulián Magariños




## COLABORA:

Concello de Negreira



## Premio Humanístico Manuel González González

### Curso 2017/2018



# Premio Humanístico Manuel González González

## Presentación

O Instituto de Educación Secundaria Xulián Magariños, en colaboración co Concello de Negreira, convoca o Premio Humanístico Manuel González González, na idea de animar o achegamento e a curiosidade polo ámbito das Humanidades e de promover os hábitos e valores do estudo e a investigación entre o alumnado do centro, fomentando ó mesmo tempo o cultivo do idioma galego no campo das Ciencias Humanas e Sociais.

O nome deste certame quere homenaxear a persoa e o labor do profesor Manuel González González, catedrático de Filoloxía Románica na Universidade de Santiago de Compostela, académico numerario da RAG e membro de prestixiosas institucións que dende hai anos traballan a prol da lingua galega (ILG, Centro Ramón Piñeiro...).

## Quen pode presentarse

- Poderá concorrer ó premio o alumnado de 4º de ESO, 1º e 2º de Bacharelato, do Ciclo Medio de Comercio e do Ciclo superior de Administración de Sistemas Informáticos en Rede do IES Xulián Magariños.
- Admitiranse traballos individuais ou de grupos cun máximo de catro membros. Suxírese que estean dirixidos ou que sexan revisados previamente á súa entrega polo profesorado da especialidade correspondente, orientando o alumnado participante.

## Traballos

- Os traballos presentados deberán ser orixinais e inéditos, non premiados noutros concursos anteriores, e estar escritos en lingua galega.
- A temática dos traballos debe estar relacionada coas materias e contidos propios dos Departamentos de Xeografía e Historia, Educación Plástica e Visual, Economía, Filosofía, Galego, Castelán, Francés, Inglés, Latín, Grego, Relixión e Música.
- É preciso enviar a copia de cada obra presentada en soporte informático e tamén impresa en papel. Así mesmo admitiranse traballos prácticos, sendo preciso neste caso facer unha demostración diante do xurado. Terá total liberdade de tema, forma e extensión.
- Cada orixinal debe levar o seu título, pero nel só debe figurar o pseudónimo ou lema

do autor individual ou do grupo. Deberanse introducir os seus datos persoais (nome, idade, curso e grupo) nun sobre pechado. No exterior deste figurarán unicamente o pseudónimo e o título do traballo presentado.

- O traballo deberá ser entregado na secretaría do IES Xulián Magariños, antes do día 1º de maio do ano 2018.
- Os participantes poderán solicitar a devolución dos traballos presentados na secretaría do IES, unha vez emitido o ditame sobre o premio e antes do mes de setembro.

## Premio

- Haberá un único premio, consistente nunha dotación económica de 300 euros, achegados polo IES Xulián Magariños e polo Concello de Negreira.

## Xurado

- O xurado estará formado por sete membros: cinco deles designados polos Departamentos da Área de Humanidades e dous do equipo directivo do IES Xulián Magariños, actuando un deles como secretario.
- O premio entregarase por maioria de votos.
- O xurado poderá eliminar por defecto de forma as obras presentadas cando non se axusten ó disposto nas bases.
- O xurado poderá declarar deserto o premio, se non considerase suficiente a calidade de ningún dos traballos presentados.
- A decisión será inapelable e farase pública antes do remate do curso 2017-2018.
- A entrega de premios levarase a cabo nun acto no Instituto, durante o mes de xuño de 2018.
- O equipo directivo do IES Xulián Magariños terá capacidade de decidir sobre calquera dúbida relacionada coa interpretación das presentes bases.

## Aceptación das bases

- A participación no concurso presupón a aceptación das presentes bases.